

Bayok aipatutako lau lagunen agerraldia eskatuko du fiskalak, baina ez Galindorena

Auzipetua Alcalako espetxe militarreara eramateko agindua eman du epaileak

Jesus Santos Entzutegi Nazionalako fiskalak 'Lasa eta Zabala kasuan' nahastutako lau pertsonaren deklarazioa eskatuko du, Felipe Bayo guardia zibil ohiaren akusazioen ondorioz. Bestalde, Bayo Alcalako espetxe militarreara eramateko agindu du Gomez de Liaño epaileak.

Efe / Madril

FELIPE BAYO-K, Lasa eta Zabala laren hilketan parte hartzeagatik auzipetu eta espetzeratutako guardia zibil ohiak, laugarren aldiz deklaratu zuen atzo Javier Gomez de Liaño epailearen aurrean, abokatuak aldatu eta berriz deklaratzeko eskatu zuenetik. Deklarazio sorta horren ostean, Felipe Bayok aipatutako pertsona batzuen agerraldia eskatzeko asmoa du Jesus Santos kasuko fiskalak, Entzutegiko iturriek Efe agentziari jakinarazi ziotenez.

Enrique Dorado Villalobos guardia zibil ohiaren, Angel Vaquero kapitainaren, Fidel del Hoyo komandantearen eta Julen Elgorriaga Gipuzkoako gobernadore zibil ohiaren deklarazioa entzun nahi ditu Jesus Santos fiskalak. Oraingoz, Enrique Rodriguez Galindo jeneralaren deklarazioa eskatzeko asmorik ez

du agertu fiskalak, Bayok Lasa eta Zabala laren bahiketa eta hilketan nahastu arren. Dena dela, Bayoren abokatuak eta beste lau auzipetuen defentsak eskatuta dute Rodriguez Galindo jeneralaren agerraldia, eta Gomez de Liaño epaileak erabaki beharko du.

Bestalde, Gomez de Liaño epaileak onartu egin zuen atzo Bayoren eskaera, hau da, espetxe militar batera bidaltzekoa. Liañoek Alcalako espetxe militarreara eramateko agindua eman zuen atzo, abokatuaren eskaera ontzat emanez. Bayoren abokatuak argudiatu zuen beldurrez eta presiopean zegoela bisitak zirela medio. Liañoen ustez, akusatua «deseroso» dago, eta arrisku sentimentua «subjektiboa» da.

Defentsa Ministerioaren arabera, Bayo militartzat har daiteke, 1993ko urrian zerbitzua betetzen ari zela sortutako ezintasun fisikoaren eraginez erretiratutzat



Angel Lopez Montero, Felipe Bayoren abokatuak.

KOTE RODRIGO / EFE

jo zutelako. Egoera hori zerbitzu aktiboan dagoen militarrekin parekatzen da.

Iturri judizialen arabera, Gomez de Liaño epaileak entzun egin du Bayok eman zion grabaketa. Lau pertsonak hitz egiten dute, eta ez bostek Bayoren defentsak esan zuen bezala, aipatutako iturrien arabera. Bayo, Dorado, Vaquero kapitaina eta Gofii Tirapu gobernadore zibil ohia ageri dira elkarrizketan.

Aipatutako iturriek uste dute Bayoren deklarazioa garrantzitsua dela, Lasa eta Zabala kasuan zuzenean nahastuta dagoelako, eta Rodriguez Galindo jeneralaren aginduak jasotzen zituela onartu duelako. Halaber, Lasa eta Zabala ezkutatzeko egoitza ofizial bat erabiltzea ere garrantzirikotzat jo dute. Angel Lopez Monterok, Bayoren abokatuak, espero du Enrique Doradok ildo beretik deklaratzeko. X

'Madril komandoko' kide gisa identifikatu dute Julia Moreno

■ Madrilgo Polibeako etxebizitzan haren hatz-markak aurkitu dituela dio Poliziak

Agentziak / Madril

JULIA MORENO MACUSO Madril komandoko kidea dela jakinarazi diote iturri ofizialek Vasco Press agentziari. Iturri horien arabera, ustekabean gertatu leherketa baten ondorioz, joan den apirilean aurkitu zuten Madrilgo Polibeako kaleko etxebizitza, eta han Julia Moreno Macusoren hatz-markak aurkitu zituzte.

Abc egunkariak atzo argitaratu emandako albistean, aldiro Estatuko segurtasun indarrek etxebizitza hartan Julia Morenoren izenean aurkitutako idazki batzuen ondorioz identifikatu dutela eman zuten argitara.

Poliziaren ikerketen arabera, Polibeako kaleko etxebizitzan, Morenorekin batera zeuden Javier Abaunza Martinez, Juan Antonio Olarra Guridi, Ainhoa Mujika Gofii Idoia Martinez Garcia eta Alemaniako bi biztanle (Fritz Gary Siemund eta Renate Heike Schubert). X



Hanka Gorri Jantetxeak

AURKEZTEN DU:

Saltsa TRONIK



Egunkaria ren

A Z K E N PRODUKZIOA

Jolas, musika eta antzerkiz egindako saltsa,
hirutik ehun urtera bitarteko gazteentzat.

Informazioa: 943-300222 - 218963